



BASES REGULADORAS DE AXUDAS DE TRANSPORTE Ó ALUMNADO DO CONCELLO DE COIRÓS QUE REALICE ESTUDOS FÓRA DO TERMO MUNICIPAL. CURSO 2022-2023

1. OBXECTO E FINALIDADE DAS AXUDAS.

Convocatoria de concesión de axudas económicas individuais destinadas a sufragar os gastos de desprazamento daqueles alumnos/as do Concello que estudan fóra do termo municipal durante o curso 2022-2023.

2. BENEFICIARIOS.

Poderán ser beneficiarios/as destas axudas aqueles xoves do Concello de Coirós que estean cursando exclusivamente estudos de grao, máster, diplomatura ou licenciatura universitarios, ciclos medios ou superiores (sempre e cando non presentasen a solicitude para a bolsa de estudo, por non contar con xustificante de gasto de libros de texto), e Escola Oficial de Idiomas (só na súa modalidade de presencial). Non será obxecto destas axudas os estudos de “doutorados” ou estudos en conservatorios.

3. REQUISITOS:

Serán requisitos necesarios para a concesión das axudas:

- 1) Estar empadroado no Concello de Coirós como mínimo 1 ano ininterrompido, no momento da presentación da solicitude. E no caso de ser menor de idade o beneficiario, este requisito deberano cumprir tamén o seu pai ou súa nai, ou no seu caso, o seu titor legal.
- 2) Figurar matriculado no curso académico 2022-2023 en centros de ensinanza homologados nos que se cursen os estudos relacionados no punto 2.
- 3) Poderán solicitar ditas axudas ó transporte aquelas familias, nas que a renda “per cápita” de cada membro da familia non supere os 11.000 euros anuais, con unha renda familiar máxima conxunta (parella e fillos) de 40.000 euros.

4. TIPO DE AXUDAS:

Os xoves que cumpran os requisitos anteriormente mencionados poderán ser beneficiarios/as dunha axuda económica de pagamento único, sendo esa cantidade idéntica para cada beneficiario, segundo a localidade na que estea matriculado. A cantidade concedida será aprobada posteriormente pola Alcaldía con arranxo ós seguintes límites económicos :

- Matriculados en localidade limítrofes: 160 €
- En no limítrofes, agás A Coruña, Ferrol e Santiago: 200 €
- Matriculados na Coruña e Ferrol: 250 €
- Matriculados en Santiago: 300 €
- Matriculados noutras provincias de Galicia: 420 €
- Matriculados fora da Comunidade autónoma: 500 €
- Matriculados fora de España: 900 €

As axudas financiaranse con cargo á partida 2022-231-48101 do presuposto municipal aprobado para o ano 2022.

5. SOLICITUDES E DOCUMENTACIÓN:

As solicitudes formularanse mediante instancia subscrita polo/a interesado/a segundo o modelo oficial que será distribuído ós interesados/as que así o desexen no Centro de Servizos Sociais do Concello de Coirós, dentro do prazo indicado e aportando a seguinte documentación:



- 1.- Solicitude debidamente cumprimentada e asinada polo interesado/a (se é menor de idade, polo seu pai, nai ou titor legal).
- 2.- Fotocopia do DNI do/a solicitante, debidamente cotexada coa súa orixinal
- 3.- Fotocopia da matricula cotexada co seu orixinal ou, no seu caso, certificación do centro académico de estaren matriculados no curso 2022-2023.
- 4.- Declaración da renda do último exercicio económico.
- 5.- Declaración Responsable de non percibir axudas para o mesmo concepto de calquera outra entidade ou organismo público ou privado.

6. INCOMPATIBILIDADES:

As axudas económicas de transporte, de pago único, do Concello de Coirós serán incompatibles con outras axudas para o mesmo concepto de calquera outra entidade ou organismo público ou privado.

7. INSTRUCCIÓN E COMISIÓN AVALIADORA:

As solicitudes serán avaliadas polos técnicos de Servizos Sociais que terán as seguintes atribucións:

- Avaliación das solicitudes conforme aos criterios de valoración establecidos nestas bases.
- Petición dos informes que se estimen necesarios para unha mellor resolución.
- Formulación da proposta de resolución á Alcaldía-Presidencia do concello, na que se incluírán dúas relacións separadas, unha primeira cos aspirantes subvencionados, e unha segunda, cos aspirantes de solicitudes denegadas, especificando as causas de denegación, concedéndoselles un prazo de dez días para alegacións.

A resolución definitiva será ditada pola Alcaldía-Presidencia unha vez examinadas as alegacións.

8. PUBLICIDADE E VIXENCIA

Estas bases serán expostas ó público xuntamente co orzamento municipal.

Estas bases serán de aplicación para tódolos cursos académicos posteriores, mentres non sexan modificadas ou substituídas por outras.